

EXPERTISA GIURIDICA

**Dumondas giuridicas e libertads d'agir
en connex cun il spazi d'auas**

Giudicament dals exempels or da la pratica

redigida per incumbensa

**da l'uffizi per la natira e l'ambient da Grischun e
da l'uffizi per il svilup dal territori dal Grischun**

da

dr. iur. Gieri Caviezel, Caviezel partenaris, Masanserstrasse 136, 7000 Cuira
lic. iur. Michelangelo Giovannini, Vincenz & partenaris, Masanserstrasse 40,
7000 Cuira

Cuira, ils 14 da november 2017

I. SITUAZIUN DA PARTENZA ED INCUMBENSA

- ¹ En connex cun la redacciun da l'expertisa giuridica concernent dumondas giuridicas e libertads d'agir en connex cun il spazi d'auas han ils incumbensaders suttamess als experts anc ina collecziun d'exempels or da la pratica per il giudicament. Il giudicament da queste exempels or da la pratica persequitescha ina finamira dubla. D'ina vart sa tracti da giuditgar ils exempels or da la pratica or da l'optica da las enconuschiantschas da l'expertisa; da l'autra vart duain vegnir deviadas da questa collecziun da cas conclusiuns e recumandaziuns che vegnan integradas da lur vart en l'expertisa.
- ² La collecziun d'exempels or da la pratica concerna per l'ina la tematica da la planisaziun d'utilisaziun e là oravant tut la dumonda da la surbajegiada spessa. Per l'autra cuntegna la collecziun exempels concrets d'edifizis e da stabiliments ordaifer la zona da construcziun, oravant tut davart il tema da la dependenza dal lieu e da la garanzia dal possess actual.


II. EXEMPELS OR DA LA PRATICA

1. Exempels or da la pratica concernent la planisaziun d'utilisaziun

1.1. PL nr. 2016-0118 (vischnanca d'Andeer): Mühlbach, sectur parc. nr. 980

Il cas

- ³ En il rom da la revisiun parziale da la planisaziun locala d'Andeer vali da determinar ils spazis d'auas. Il plan da zonas inoltrà per l'examinaziun preliminara prevesa al Mühlbach, en il sectur da la parcella nr. 980, da reducir la ladezza dal spazi d'auas sut las premissas da l'art. 41a al. 2 da l'ordinaziun davart la protecziun da las auas (OPAuas). En il rapport da planisaziun e da cooperaziun vegn la sutpassada motivada cun quai ch'il traject d'auas pertutgà sa chattia en il sectur da la zona dal center dal vitg en in territori surbajegià spessamain.



- 4 Igl è contestà, sch'il quoient da surbajegiada po vegnir consultà en il senn da la cifra da surbajegiada (CSurb) per giuditgar in territori surbajegià spessamain tenor la lescha davart la protecziun da las auas (LPAuas).


Giudicament

- 5 Sco declarà en l'expertisa giuridica (cifras marg. 28 ss.) vegn la dumonda, sch'in territori è «surbajegià spessamain», giuditgada tenor la situaziun da surbajegiada concreta e da l'utilisaziun architectonica d'in tschert toc da la riva. Tenor la giurisdicziun dal tribunal federal sa chatta il perimeter da consideraziun en cas da vischnancas pli pitschnas – en il senn d'ina consideraziun cumplessiva – sin la structura architectonica da l'entir territori communal. In'adattaziun dal spazi d'auas sto vegnir fatga en quartiers urbans surbajegiads spessamain ed en ils centers dals vitgs sco tals che veggan traversads da flums u d'auals. Quai duai pussibilitar ina densificaziun da las structuras urbanas ed in svilup da l'abitadi vers anen.
- 6 Il sectur pertutgà qua avant maun sa chatta – en quai che reguarda la structura architectonica – en moda periferica sin l'entir territori communal. La gruppa da chasas è separada dal vitg sco tal. I na sa tracta qua cleramain betg d'in territori da center. Plinavant n'existan naginas largias da construcziun che stuessan vegnir serradas ed i na dat en quel regard er nagin interess da densifitgar las structuras dals edifizis existents. Pervia da quai na po il territori pertutgà betg vegnir qualifitgà sco «surbajegià spessamain».

1.2. PL nr. 2015-0675 (vischnanca da Cazas): zona d'industria, sectur parc. nr. 764

Il cas

- 7 L'object da la revisiun da la planisaziun locala qua avant maun è in engrondiment da la zona d'industria ch'exista a Realta sut en la dimensiun da ca. 7,56 ha. L'engrondiment vegn fatg cun transferir la surfatscha menziunada da la zona per l'utilisaziun futura da construcziun (ZUFC) en ina zona d'industria. Il lieu industrial Realta sut è determinà tant en il plan directiv grischun 2000 (PDChant) sco er en il plan directiv regiunal (PDReg) Viamala sco territori impurtant respectivamain sco lieu impurtant per in svilup industrial ed economic (object nr. 03.SW.02 resp. 03.EP.03; stadi da coordinaziun determinaziun). La midada da zona collidescha però cun il spazi d'auas existent dal chanal da la Nolla. Plinavant manca en il project da revisiun da la planisaziun locala ina determinaziun dal spazi d'auas per il Rain posteriur che maina a l'ost sper il territori industrial via.



- 8 La procedura d'approvaziun concernent l'engrondiment da la zona d'industria è vegnida sistida per ina part da la surfatscha da circa 7,06 ha. Cun elavurar il project da revisiun da la planisaziun locala è vegnì prendì sco basa il fegl d'infurmaziun da la conferenza svizra dals directurs da construcziun, da planisaziun e da protecziun da l'ambient (CCPA) «Spazi d'auas en il territori d'abitadi» dals 18 da schaner 2013. Ils princips sviluppads en quel èn vegnids surpassads per gronda part da la pratica actuala dal tribunal federal. Igl è intschert, sch'ins avess pudì renunziar – resguardond las infrastructuras

existentas e las finamiras fixadas en ils plans directivs – da determinar il spazi d'auas respectivamain sche la zona d'industria è in «territori surbajegià spessamain» che pretenda ch'il spazi d'auas vegnia reduci.

Giudicament

- 9 Sco explitgà en l'expertisa giuridica (cifras marg. 42 ss.) statuescha l'art. 41a al. 5 OPAuas la pussaivladad da renunziar en tscherts cas da determinar il spazi d'auas. Quai è adina il cas, sch'i sa tracta da fatgs, nua ch'in conflict tranter la protecziun ed il niz na resulta previsiblaman gnanc u nua ch'ils fatgs n'en betg relevanti ubain betg essenzials per ademplir la finamira da la lescha davant la protecziun da las auas. En il cas qua avant maun exista ussa però evidentamain in conflict tranter la protecziun ed il niz essend che l'engrondiment da la zona d'industria sa surposta (chanal da la Nolla) u sa surpostass per part (Rain posteriur) cun il spazi d'auas. En il rom da la revisiun da la planisaziun locala vali da schliar quest conflict cun determinar il spazi d'auas. La renunzia da determinar il spazi d'auas per eliminar il conflict tranter la protecziun ed il niz ch'è avant maun qua na fiss – sa basond sin l'art. 41a al. 5 OPAuas – betg admissibla.
- 10 En quai che concerna ils criteris per in «territori surbajegià spessamain» poi vegnir renvià a la cifra marginala 5 qua survart. La zona d'industria Realta sut sto vegnir giuditgada sco cleramain periferica, sch'ins bitta in'egliada sin la structura architectonica dals territoris communals vischins. Ella n'è ni territori da center ni ston vegnir serradas largias da construcziun avant maun. Il territori pertutgà na po pia betg vegnir qualifitgà sco «surbajegià spessamain» en il senn da l'art. 41a al. 4 lit. a OPAuas.
- 11 Il cas qua avant maun mussa ina mancanza da la regulaziun dal dretg federal vertent actualmain. Per l'engrondiment da la zona d'industria datti sco ch'i para in interess public predominant. El è determinà en il plan directiv chantunal e regional sco object ed igl è – en vista als stabiliments d'infrastructura existents (via naziunala A13, trassé da la Viafier retica) – pauc probabel ch'il Rain posteriur vegnia schlarijà proximamain en il sectur pertutgà. L'art. 41a OPAuas na porscha nagina soluziun per in tal cas. Empè da strapatschar memia fitg l'art. 41a al. 5 OPAuas (renunzia a la determinaziun dal spazi d'auas) u da l'art. 41a al. 4 lit. a OPAuas (territori surbajegià spessamain), pudessi vegnir examinà, da sa fatschentiar avertamain cun la problematica e da tschertgar ina soluziun per exempli cun applitgar directamain l'art. 36a LPAuas ed ils princips da la serrada da largias prescritta da la lescha.

1.3. PL Nr. 2015-0675 (vischnanca da Cazas): aual da Summaprada e da Cazas

Il cas

- ¹² En il rom da la revisiun da la planisaziun locala ha la vischnanca da Cazas l'intenziun da midar la classa da la via agricula e forestala actuala, che maina per lung da l'aul da Cazas, ad ina via d'avertura per la plazza da sport da Cazas. Quai pretenda che la via sto vegin schlargiada e catramada sco er ch'in spartavias nov sto vegin constrù davent da la via chantunala. Cun examinar il project è la determinaziun dal spazi d'auas ch'è veginida preschentada en il rapport da planisaziun e da cooperaziun per l'aul da Cazas veginida refusada sco manglusa. Il spazi d'auas n'importia betg 11 m, mabain 24 m, uschia che la via d'avertura vegnia a sa chattar en il spazi d'auas.



- ¹³ La problematica d'edifizis e da stabiliments ordaifer la zona da construcziun che vegnan a sa chattar en il spazi d'auas vegin tractada pli tard. La situaziun qua avant maun è cumparegliabla ord vista dal dretg material cun ils exempels concrets nr. 2.2. fin 2.4., al giudicament dals quals i po vegin renvià (cf. cifras marg. 53 ss.). En quest lieu stoi però vegin sclerì, sch'il spazi d'auas da l'aul da Summaprada e da Cazas dastgass vegin reduci resguardond il quartier d'abitar orograficamain da la vart dretga sco er cun agid dal fatg excepziunal dal «territori surbajegià spessamain».

Giudicament

- ¹⁴ Il quartier d'abitar per lung da l'aul da Summaprada e da Cazas è però bain surbajegià per gronda part. Guardond sin l'entir territori communal na po el però vegin attribuì ni al center dal vitg da Summaprada ni a quel da Cazas. Sch'il focus sa chatta sin il terren per lung da l'aul, stoi vegin constatà che l'aul na curra betg tras il quartier d'abitar, mabain furma ses cunfin. Tenor la pratica dal tribunal federal n'exista en territoris periferics che cunfineschan cun auas currentas «regularmain nagin interess predominant da surbajegiar il

spazi d'auas en moda spessa».¹ La determinaziun dal spazi d'auas na maina betg a quai ch'in svilup dal quartier d'abitadi vers anen veggiss impedì. Il territori pertutgà n'è tenor quai ch'è veggì explitgà betg «surbajegià spessamain».


1.4. PL nr. 2015-0187 (vischnanca da Tavau): Gadenstatt / Sandgruoab

Il cas

- 15 En il rom da la revisiun parziale da la planisaziun locala per la zona da mastergn Oberrauch ha la vischnanca l'intenziun er d'engrondir l'areal da l'implant da gera e da reducir il spazi d'auas a divers lieus. Il rapport da planisaziun e da cooperaziun inditga sco motivaziun per quai l'utilisaziun economica dal terren e la densificaziun posteriura cun serrar largias da construcziun.



¹ TF 1C_558/2015 (Altendorf), consideraziun 2.7 cun ulteriurs renviaments



- 16 Tschertgond ina soluziun adequata è ina reducziun dal spazi d'auas vegnida permessa per singuls lieus. Decisiva è stada la qualificaziun dal territori sco punct central dal svilup regiunal sco er il fatg che la Landwasser è chanalisada dal tuttafatg en il lieu pertutgà e curra en in letg construì da l'uman. Ina revitalisaziun da l'aul è pauc probabla en il proxim futur. Refusada vegn percuter ina reducziun dal spazi d'auas en il sectur da la halla da chavaltgar sco er en il chantun nordvest da la zona da mastergn existenta. I vegn tschentada la dumonda, sch'il spazi d'auas da la Landwasser dastgass vegnir reducì cun agid dal fatg excepziunal dal «territori surbajegià spessamain».

Giudicament

- 17 Sco gia explitgà en la cifra marginala 11 na porscha la regulaziun dal dretg federal nagina soluziun adattada per fixar ils spazis d'auas, sch'in punct central da svilup ch'è vegnì determinà correctamain en il grad planisatoric dal stgalim e ch'è situà a la periferia collidescha cun il spazi d'auas. Apparentamain vulan las disposiziuns da la LPAuas e da la OPAuas gidar a schliar conflicts en centers urbans. Ils giavischs dals territoris rurals n'en betg vegnids resguardads dal legislatur ni en la lescha ni en l'ordinaziun. Perquai sa tschenta la dumonda, sch'i na stuessan betg vegnir tschertgadas novas soluziuns en quest regard (cumplettaziun dals fatgs excepziunals en la OPAuas, serrar largias giuridicas en l'applicaziun dal dretg).
- 18 La pratica actuala dal tribunal federal è - sco gia explitgà en l'expertisa giuridica - fitg severa en quai che reguarda ils «territoris surbajegiads spessamain». La zona da mastergn Oberrauch sa chatta lunsch davent dal center dal vitg da Tavau e po vegnir designada senza dubi sco separada e periferica. La substansa architectonica avant maun na mussa nagin quartier urban che stuess vegnir densifitgà or d'ina optica urbanistica. Quai vala en


spezial per ils secturs Sandgruoab e Reithalle. Maximalmain la zona d'abitar en il sectur da l'hotel Post pudess eventualmain avair ina tscherta funcziun da center. Questa qualificaziun pudess veginr applitgada mo en cas d'ina contemplaziun fitg detagliada dal territori, quai che vegin refusà explicitamain dal tribunal federal. Ils secturs che sto veginr giuditgads qua èn pia betg «surbajegiads spessamain» en il senn dal fatg excepzional tenor l'art. 41a al. 4 lit. a OPAuas.


1.5. Determinaziun dal spazi d'auas Claustra-Serneus: Äuja e center da sport

Il cas


- ¹⁹ La vischnanca è londervi d'elavurar las basas ch'èn necessarias per determinar ils spazis d'auas. En quest connex è avant maun in rapport da la Eichenberger Revital SA che propona da reducir a differents lieus la ladezza dal spazi d'auas. Il rapport collia las propostas però cun la dumonda giuridica tschentada davanttiers, sch'i sa tracta en quest connex da «territori surbajegià spessamain» en il senn da l'art. 41a al. 4 lit. a OPAuas. En il rom da l'expertisa qua avant maun ston veginr giuditgads ils cas Äuja e center da sport.

Situaziun Äuja:





Situaziun center da sport:



Giudicament

- ²⁰ Sch'il perimeter da consideraziun (entir territori communal) prescrit dal tribunal federal vegn applitgà per il territori Äuja, resulti cleramain ch'il sectur, che sto vegrin giuditgà, sa chatta en moda periferica envers il center dal vitg. La reducziun dal spazi d'auas proponida duai vegrin realisada a favur d'ina gruppera da chassas che cumpiglia paucs edifizis. Questa gruppera sa chatta en ina zona d'edifizis d'abitar. Las surfatschas circumdantas sa chattan en zonas betg surbajegiablas. Sa basond sin ils criteris dal tribunal federal sto vegrin negà l'interess da surbajegiar il spazi d'auas en ina moda pli spessa, pia n'è betg avant maun in «territori surbajegià spessamain» en il senn da l'art. 41a al. 4 lit. a OPAuas.
- ²¹ Il cuntrari è il cas tar il center da sport. Quel pudess almain vegrin taxà sco damanaivel al center. Da la – orograficamain – vart sanestra da la Landquart è en mintga cas raschunaivla ina densificaziun confirma a la zona da la substansa architectonica coerenta, ch'exista là. Il cas è però atipic en quel senn che la Landquart na traversa nagin quartier, però pussibilitass la reducziun dal spazi d'auas a quest lieu in svilup da l'abitadi vers anen, e quai senza restrenscher la segirezza en cas d'aua gronda. En il sectur dal center da sport poi pia vegrin affirmà ch'in «territori surbajegià spessamain» sa chatta da la – orograficamain – vart sanestra dal flum.

1.6. PL nr. 2015-0393 (vischnanca da Falera): ladezza minimala dal spazi d'auas

Il cas

- ²² En il rom da la revisiun totala da la planisaziun locala ha la vischnanca da Falera tranter auter determinà il spazi d'auas. La part sura dal Ual da Mulin è vegrinida qualifitgada sco «surbajegiada spessamain». Da quai è resultada ina reducziun da la ladezza dal spazi d'auas. Cun fixar quest spazi d'auas reduci ha la vischnanca «survesì» supplementarmain singuls edifizis, per als excluder dal spazi d'auas, sco er sutpassà per part ina distanza da 5 m envers l'ur da l'aua.
- ²³ Tenor la pratica chantunala usitada sto – per motifs da la protecziun cunter aua gronda – vegrin observada en il territori d'abitadi ina distanza minimala da 5 m envers l'ur da l'aua. Quella servia en cas d'in eveniment d'aua gronda a l'access ed e l'intervenziun cun mesiras immediatas vi da l'aua. Plinavant garanteschia la distanza minimala che l'aua possia vegrin mantegnida e tgirada cun custs relativamain favuraivels. I vegrin tschentada la dumonda, sche la fixaziun d'ina tala distanza minimala saja legitima e sche la distanza minimala dastgia vegrin sutpassada.

Giudicament

- ²⁴ Tenor l'art. 41a al. 4 lit. a OPAuas po la ladezza dal spazi d'auas vegin adattada a las relaziuns architectonicas en territoris surbajegiads spessamain, uschenavant che la protecziun cunter aua gronda è garantida. Quai vul dir cun auters pleds ch'i na sto vegin fatga pli nagina ponderaziun cumplessiva dals interess, sch'in «territori surbajegià spessamain» è avant maun. I sto mo vegin examinà, sche la protecziun cunter aua gronda è garantida. Quella na dastga betg vegin messa en dumonda cun adattar il spazi d'auas a las relaziuns architectonicas. Las pretensiuns envers la protecziun cunter aua gronda resultan da l'art. 4 da la lescha federala davart la correcziun dals curs d'aua (LCCA).² Tenor quel ston las auas, las rivas e las ovras da la protecziun cunter aua gronda vegin mantegnidus uschia, che la protecziun cunter aua gronda ch'è avant maun, en spezial la capacitat da deflussiun, vegin garantida. La protecziun cunter aua gronda cumpiglia però er la garanzia che las lavurs da mantegniment necessarias vegin fatgas, en spezial vi da las ovras da protecziun.³ Ch'i vegin pretendida ina strivla che sto esser libra per il mantegniment, para dad esser adequat. Quai vegin er postulà da l'uffizi federal per aua e geologia (UFAEG).⁴ Il UFAEG propona ina ladezza da 3 m, pretendà però ch'i vegnia observada ina distanza supplementara dals edifizis envers il sectur da la riva.
- ²⁵ Sco resultat poi pia vegin constatà che la pratica usitada d'ina strivla da mantegniment d'ina ladezza da 5 m envers l'ur da l'aua è legitima per garantir il mantegniment da las rivas e da las ovras da protecziun. Sche questi 5 m da la strivla dastgan vegin sutpassads en il cas singul, sto vegin giuditgà tenor principis da commensurabladad. En il cas qua avant maun èsi – a nossa opinuion – finalmain decisiv, sche las mesiras concernent la protecziun cunter aua gronda pon vegin realisadas en la medema qualitat concernent il temp d'intervenziun, concernent la qualitat e concernent las lavurs er, sche la strivla da mantegniment è pli stretga en tscherts lieus.

1.7. PL nr. 2016-0075 (vischnanca da Haldenstein): spazi d'auas dal Rain alpin


Il cas



² FRITZSCHE, commentari tar la LPAuas, art. 36a, cifras marg. 104 s.


³ HEPPERLE, commentari tar la LCCA, art. 4, cifras marg. 8 s.

⁴ UFFIZI FEDERAL PER AUA E GEOLOGIA, protecziun cunter aua gronda vi d'auas currentas, mussavia 2001, p. 18.

²⁶ En il rom da la revisiun parziale da la planisaziun locala ha la vischnanca l'intenziun da reducir il spazi d'auas dal Rain alpin a differents lieus. En il rapport da planisaziun e da cooperaziun vegni explitgà en quest connex ch'il spazi d'auas na vegnia – er betg a lunga vista – ad ademplir sia funcziun naturala en ils lieus pertutgads. I saja perquai raschunaivel d'adattar il spazi d'auas a las relaziuns architectonicas essend ch'il territori valia sco surbajegià en moda spessa. Sin differentas parcellas betg surbajegiadas existian projects da construcziun che possian vegnir realisads mo, sch'il spazi d'auas vegnia reduci. Plinavant pussibiliteschia la reducziun da nizzegiar surfatschas en il senn da l'intent da la zona (zona da sport) resp. da realisar il plan da quartier existent («Tor» e «Brugg»).







Giudicament

- ²⁷ Ordavant stoi vegnir rendì attent en moda generala ch'il tribunal federal demussa en sia pratica la pli nova l'opiniun ch'il spazi d'auas stoppia garantir a lunga vista il basegn da spazi da l'aua, independentamain, sche projects da revitalisaziun concrets èn avant maun u betg.⁵ Cun quai refutescha el l'argument che po vegnir scunträ adina puspè ch'i na saja betg da far quint cun ina revitalisaziun da l'aua il proxim temp. Il giudicament qua sutvart vegn fatg parcella per parcella:


⁵ DTF 140 II 428 consideraziun 8.1, p. 436.

- ²⁸ Parcella nr. 213: La parcella sa chatta a la periferia dal center dal vitg e cunfinescha mo cun l'aua. Sco gia explitgà tar l'aul da Cazas (cas nr. 1.3) n'exista – tenor la pratica dal tribunal federal – en tals cas nagin interess predominant da surbajegiar il spazi d'auas en moda spessa. In quartier d'abitar sto sa sviluppar vers anen, davent da l'aua. En vista a la zona da privel surpostanta cuntrafaschess ina reducziun dal spazi d'auas en il cas qua avant maun eventualmain er a la protecziun cunter aua gronda.
- ²⁹ Parcella nr. 35: parcella da via, per la quala n'exista nagin interess da la densifitgar or d'ina optica urbanistica.
- ³⁰ Parcella nr. 176: idem parcella nr. 213.
- ³¹ Parcella nr. 175: parcella en l'ulteriur territori communal, ordaifer il center dal vitg, cunfinescha cun l'aua, en la zona da privel. Nagina reducziun dal spazi d'auas.
- ³² Parcella nr. 95: zona d'agricultura, situada en moda periferica, per la quala n'exista nagin interess da la densifitgar or d'ina optica urbanistica.
- ³³ Parcella nr. 459: strivla da la riva / scarpa, sto veginir attribuida cleramain al spazi d'auas.
- ³⁴ Parcella nr. 1050: zona da mastergn / zona da sport: situada en moda periferica, separada dal center dal vitg, cunfinescha cun l'aua, betg surbajegiada en moda spessa. Nagina reducziun dal spazi d'auas.

1.8. PL nr. 2011/0816, 2012/0280, 2014/0154, 2015/0090 (vischnanca da Samedan): Sper l'En

Il cas

- ³⁵ En il rom da la revisiun parziale da la planisaziun locala ha la vischnanca da Samedan transfromà tranter auter la zona per edifizis e per stabiliments publics (ZESP), ch'existiva en il sectur Sper l'En, en ina zona d'hotels e d'abitar (ZHA). En quest connex è la lingia da distanza da las auas envers l'En veginida reducida. En sia decisiun da recurs dals 14 da schaner 2014 è la regenza veginida a la conclusiun che la sutpassada da la distanza da las auas seja legitima, perquai ch'il territori pertutgà valia sco «surbajegià per gronda part».



- ³⁶ La revisiun parziala da la planisaziun locala ha fatg tras ina procedura da recurs tras tut las instanzas ed ina refusaziun a la dretgira administrativa (DA). En sia sentenzia dals 16 da favrer 2016 ha la DA affirmà la cumpatibilitad da la revisiun parziala da la planisaziun locala cun las disposiziuns da la lescha davart la protecziun da las auas. En sia motivazиun resp. per sia conclusiun ha la dretgira però duvrà – sa referind a la regenza ed als giudicaments dals posts chantunals spezialisads – las noziuns «surbajegià per gronda part» e «surbajegià spessamain» sco sinonims. I sa tschenta la dumonda, sch'il sectur Sper l'En, ch'è pertutgà da la revisiun parziala da la planisaziun locala, vala sco «surbajegià spessamain» en il senn da l'art. 41a al. 4 lit. a OPAuas.

Giudicament

- ³⁷ Tenor la giurisdicziun dal tribunal federal n'èn las noziuns «surbajegià per gronda part» e «surbajegià spessamain» betg sinonimas. La noziun dal «territori surbajegià spessamain» duvrada en l'art. 41a al. 4 lit. a OPAuas fa pretensiuns pli severas a la situaziun da surbajegiada.⁶
- ³⁸ Sch'il focus vegniss drizzà en il cas qua avant maun mo sin il territori Sper l'En e sin il terren per lung da l'En, fiss ina «surbajegiada spessa» dubitabla. Il sectur che sto vegnir examinà sa chatta a la periferia dal center dal vitg istoric ed ha pli che mo ina largia da construcziun. Il tribunal federal pretenda però in perimeter da consideraziun grond avunda che cumpiglia per regla il territori communal. Resguardond er ils quartiers Ariefa, A l'En e Cho-d'Punt sa chatta il territori Sper l'En en moda centrala en vischinanza directa da la rundella principala dal vitg. Las surfatschas anc betg surbajegiadas e previsas per la midada da zona possibiliteschan ina densificaziun da las structuras urbanas ed in svilup da l'abitadi vers anen. Il territori Sper l'En na sto pia betg mo vegnir qualifitgà sco «surbajegià per gronda part», mabain er sco «surbajegià spessamain» en il senn da l'art. 41a al. 4 lit. a OPAuas.

1.9. PL nr. 2015-0432 (vischnanca da Silvaplauna): zona per hotels en il center dal vitg

Il cas

- ³⁹ En il rom da la revisiun parziale da la planisaziun locala ha la vischnanca tranter auter l'intenziun da midar ina part da la parcella nr. 1975 da la ZESP en ina zona per hotels en il center dal vitg (ZHCV). Per lung da la nova ZHCV curra l'Ovel da Vallun. Tenor il rapport da planisaziun e da cooperaziun duai vegnir renunzià da determinar in spazi d'auas, perquai ch'ina lingia da distanza da las auas saja gia vegnida fixada cun vigur legala en il plan general da furmaziun.

⁶ TF 1C_558/2015 dals 30 da november 2016 (Altendorf), consideraziun 2.7 cun ulteriurs renviaments



- ⁴⁰ I vegn constatà ch'il spazi d'auas da l'Ovel da Vallun stoppia veginir determinà, er sche la lingia da distanza da las auas vertenta garanteschia actualmain il spazi ch'è necessari per l'Ovel da Vallun. Plinavant vegn il sectur pertutgà da la midada da zona qualifitgà sco «surbajegià spessamain».

Giudicament


- ⁴¹ Il giudicament dal post spezialisà po veginir approvà. Las premissas per renunziar ad ina determinaziun dal spazi d'auas tenor l'art. 41a al. 5 OPAuas n'en betg dadas, uschenavant che quai po veginir giuditgà sin basa da las actas avant maun. Plinavant sto il territori pertutgà veginir qualifitgà sco «surbajegià spessamain». El n'è betg situà en moda periferica vi d'ina aua, mabain en il territori d'abitadi principal dal vitg e vegn traversà da l'Ovel da Vallun. Or da l'optica da la structura dal lieu èsi giavischabel che questa largia veginia serrada.

1.10. Revisiun parziale da la planisaziun locala da Landquart: Rain alpin / Schalmans


Il cas

- 42 Il territori da construcziun da la vart sanestra directamain suenter la punt da Tardis na po tenor la valitaziun dal post chantunal spezialisà cumpetent betg vegnir attribuì al «territori surbajegià spessamain». Ina reducziun dal spazi d'auas dal Rain alpin na possia pervia da quai betg vegnir approvada. Il medem vala er per il territori Schalmans che na vala er betg sco «surbajegià spessamain». Ina reducziun dal spazi d'auas dal Mühlbach dad Igis saja inadmissibla.

Situaziun Rain alpin:



Situaziun Schalmans:



Giudicament

- 43 La gruppera da chasas tar la punt da Tardis è situada en moda periferica envers il territori da construcziun da Landquart sco er envers il center dal vitg da Mastrils. Ils edifizis existents cunfineschan cun il Rain alpin che ha en quest sectur – uschenavant che quai è percorschibel sin las fotografias en las actas – ina ritga zona da vegetaziun. La situaziun sumeglia a quella en la decisiun dal tribunal federal «Hurden».⁷ Per surbajegiar en moda spessa il spazi d'auas na datti en quest lieu nadin interess predominant. L'effectiv da la gruppera da chasas periferica ed il svilup da la structura urbana da Mastrils na dependan betg d'ina surbajegiada da la zona da riva ch'è anc libra. Il territori na po betg vegnir qualifitgà sco «surbajegià spessamain».

⁷ TF 1C_473/2015.

- ⁴⁴ La situaziun a Schalmans po vegnir cumparegliada cun quella da la decisiun dal Tribunal federal «Dagmarsellen».⁸ La gruppera da chasas Schalmans è situada a la periferia e separada dal territori da construcziun vischin dal center tras surfatschas utilisadas da l'agricultura. Ils conturns n'en per gronda part betg surbajegiads. A Schalmans n'e pia betg avant maun in «territori surbajegià spessamain».

Conclusiuns:

- ⁴⁵ En sias sentenzias davart la tematica dal «territori surbajegià spessamain» ha il tribunal federal applitgà fin ussa ina scala da giudicament trasora fitg severa. Tar vischnancas pli pitschnas cumpiglia il perimeter da consideraziun l'entir territori communal. Partind da quai examinescha il tribunal federal en spezial la structura architectonica avant maun e la situaziun concreta dal territori pertutgà. Igl è remartgabel che la qualificaziun sco «territori surbajegià spessamain» n'e fin ussa anc mai vegnida applitgada per gruppas da chasas e per aclauns periferics, q.v.d. separads dal territori d'abitadi principal resp. ch'ina tala structura d'abitadi excluda directamain ch'in «territori surbajegià spessamain» saja avant maun. Ils exempels or da la pratica qua avant maun mussan che questa chapientscha dal fatg excepcional tras ils derschaders supremi restrenscha fermamain il spazi d'agir en il Grischun, nua ch'en avant maun sco structura tipica – ultra dals paucs centers d'aglomeraziun – tals aclauns e talas gruppas da chasas separadas dal center dal vitg.
- ⁴⁶ Ils exempels or da la pratica giuditgads mussan ultra da quai che la regulaziun dal dretg federal per determinar ils spazis d'auas na porschan nagina soluziun adattada, sch'in punct central da svilup ch'e vegni determinà correctamain en il grad planisatoric dal stgalim e ch'e situà a la periferia collidescha cun il spazi d'auas. Apparentamain vulan las disposiziuns da la LPAuas e da la OPAuas gidar a schliar conflicts en centers urbans. Ils giavischs dals territoris rurals n'en betg vegnids resguardads dal legislatur ni en la lescha ni en l'ordinaziun. Perquai sa tschenta la dumonda, sch'i na stuessan betg vegnir tschertgadas novas soluziuns en quest regard. En dumonda vegnissan ina cumplettaziun dals fatgs excepcionalis en la OPAuas sin via politica u ina serrada da las largias en l'applicaziun dal dretg. I sa chapescha da sez ch'il pass menziunà sco ultim è adina collià cun ristgas processualas correspondentas.


⁸ DTF 140 II 428.

2. Exempels or da la pratica per edifizis e stabiliments ordaifer la zona da construcziun

2.1. EOZ nr. 2015-0172 (vischnanca da Laax): nova via da velos da muntogna

Il cas

⁴⁷ L'object da la dumonda da construcziun è la renovaziun, l'extensiun ed il spustament da tschertas parts da l'implant da velos da muntogna „Never End Trail“ – 2. etappa en la vischnanca da Laax. La part sut dal traject da velos da muntogna a Laax-Murschetsch, ch'exista già dapi l'onn 1997, è per part vegnida concepida da nov resp. sanada. Il traject da la via da velos da muntogna da la Val Buglina è vegnì dischlocà a l'ur dal guaud ed ha per part ina distanza da paucs meters envers il Ual Val Buglina. En quest sectur sa chattava la via da velos da muntogna tenor la dumonda da construcziun entaifer il spazi d'auas tenor las disposiziuns transitoricas tar la midada da l'ordinaziun davart la protecziun da las auas dals 4 da matg 2011.



⁴⁸ La permissiun dal traject da velos da muntogna per lung dal Ual Val Buglina è stada contestada, perquai che la via da velos da muntogna entaifer la distanza da las auas na saja ni liada al lieu ni sa chattia en l'interess public. Cun differentas cundiziuns è la permissiun vegnida concedida il 1. da matg 2015. Tranter auter èsi vegnì ordinà che l'implant da velos da muntogna en il sectur da la Val Buglina stoppia vegnir dischlocà cun agid da saivs en direcziun da la prada là, nua ch'el saja memia dasperas al sectur respectiv.


Giudicament

- ⁴⁹ L'emprim sa tschenta la dumonda, sch'ina via da velos da muntogna po insumma veginr subsummada a la noziun "implant", per il qual po veginr dumandà ina permissiun excepziunala tenor l'art. 41c al. 1 OPAuas. L'art. 41c al. 1 OPAuas na menziunescha betg explicitamain las vias da velos da muntogna sco implants che sa chattan en l'interess public e che dastgan veginr construids en il spazi d'auas, sche lur dependenza dal lieu è cumprovada. L'enumeraziun cumpiglia "implants sco vias e sendas da viandar, implants electrica da flum u punts". Sco ch'i resorta gia da la formulaziun n'è questa enumeraziun betg definitiva. Pervia da l'enumeraziun exemplarica ed en spezial pervia da la menziun explicita da las vias e sendas da viandar na datti nagin motiv objectiv da betg renconuscher las vias da velos er sco implants che sa chattan en l'interess public en il senn da l'art. 41c al. 1 OPAuas. La fin finala servan ellas per gronda part al medem intent sco vias da viandar, numnadmain a realisar il traffic betg motorisà. A vias da velos da muntogna u en general a vias da velos na po ultra da quai betg veginr snegà in interess public. Silmain èn il mantegniment e la construcziun da vias da velos e da vias da viandar menziunads en l'art. 3 al. 3 lit. c da la lescha davart la planisaziun dal territori (LPT). Tenor il rapport explicativ da l'uffizi federal d'ambient (UFAM) tar l'ordinaziun davart la protecziun da las auas sa chattan alura en l'interess public er vias che servan ad intents da la recreaziun; en analogia a quai po quest interress public er veginr concedì a vias da velos da muntogna.
- ⁵⁰ En in proxim pass sto veginr examinada la dependenza dal lieu en il cas concret. Sco declerà en l'expertisa giuridica (cifra marg. 56) basta ina dependenza dal lieu relativa. La finala ston esser avant maun motivs spezialmain impurtants ed objectivs che laschan parair il lieu giavischà (resp. qua il trassé giavischà) en il spazi d'auas sco bler pli avantagius ch'in lieu ordaifer il spazi d'auas. Sche quai è il cas, sto veginr giuditgà en il rom d'ina ponderaziun dals interress. Motivs objectivs che pledan en il cas qua avant maun per in lieu entaifer il spazi d'auas pudessan esser il caracter e la structura dal terren u ina via ch'è gia avant maun. Quant enavant che tals motivs èn stads avant maun, na resorta betg da las actas cun in'evidenza definitiva. Sco ch'i para n'en quests motivs dentant betg veginids resguardads sco impurtants avunda, essend ch'il UST ha decretà ina translocaziun da la via da velos da muntogna davent da l'aul en direcziun da la prada. Quai n'è segiramain betg stà da contestar.

2.2. EOZ nr. 2015-0085 (vischnanca da Trimmis): restructuraziun da la via da velos per lung dal Rain (catramaziun)

Il cas

- ⁵¹ L'object da la dumonda da construcziun è la restructuraziun da la via da velos Maschänser Rüfe – Dorf Rüfe a Trimmis. La via da velos existenta è part da la via da velos naziunala nr. 2 ed ha ina surfatscha naturala da gera. Tenor la dumonda da construcziun èsi previs da catramar la via da velos sin ina lunghezza da 1290 meters. Il project da construcziun è situà en la zona umida nr. A-25 "Trimmiser Rodauen" d'impurtanza regiunala.



- ⁵² En il rom da la procedura EOZ è la via da velos veginida giuditgada sco betg liada al lieu sut l'aspect da la lescha davart la protecziun da las ausas. Pervia da quai stoppia veginir prendida en mira ina translocaziun a l'ur dal perimeter da la zona umida. La via da velos saja però protégida en sia existenza. Quai cumpiglia però mo la tgira necessaria per mantegnair la via da velos en la medema dimensiun. Ina restructuraziun da la via da velos sco er sia catramaziun na possian betg veginir resguardadas sco mesiras da mantegniment e sajan inadmissiblas. En moda negativa è er veginida giuditgada la catramaziun sut l'aspect da la protecziun da la natira. La permissiun è veginida concedida cun condiziuns. Uschia sto la cuvrida da catram veginir remplazzada tras ina stresa da basa stabilisada cun cement e la via na dastga betg esser pli lada che 3 meters entaifer l'areal da guaud.

Giudicament

- ⁵³ Ina via da velos represchenta in "implant" en il senn da l'art. 41c al. 1 OPAuas.⁹ La via da velos che sto vegnir giuditgada qua exista già. Perquai vala la garanzia d'esistenza tenor l'art. 41 al. 3 OPAuas.¹⁰ La via da velos sa chatta ordaifer la zona da construcziun. Pervia da quai vegn applitgada la garanzia d'esistenza extendida a norma da las disposiziuns da l'art. 24c LPT resp. art. 42 da l'ordinaziun davart la planisaziun dal territori (OPT).¹¹ Admissibels èn – ultra da las lavurs da mantegniment e da las lavurs simplas da renovaziun – pia er renovaziuns, midadas parzialas ed engrondiments moderads. Er qua sto però vegnir resguardà il princip da l'identidad, q.v.d. il "caracter" da l'implant vertent sto da princip restar mantegnì en quai che concerna la dimensiun, l'aspect exteriur sco er l'intent ed i na dastgan vegnir creads nagins effects essenzialmain novs per l'urden d'utilisaziun, per l'avertura e per l'ambient. La finala resta resalvada la cumpatibilitad cun ils giavischs relevants da la planisaziun dal territori (art. 24c al. 5 LPT). Il giudicament da l'identidad pretenda en quest connex che tut las circumstanzas vegnian ponderadas; ils giavischs impurtants da la planisaziun dal territori ston vegnir resguardads en il rom d'ina consideraziun cumplessiva dals interess.
- ⁵⁴ En il cas qua avant maun èn quests princips decisivs en spezial en quai che reguarda la dumonda da la catramaziun. D'ina vart sto vegnir resguardà che la via da velos è ina part integrala da la via da velos naziunala nr. 2 frequentada fermamain e ch'ella serva ultra da quai sco colliaziun per ils pendularis che van cun il velo dapart da la via chantunala sin l'axa Zizers – staziun da Haldenstein – Cuira. La catramaziun da la via da velos nr. 2 tranter Tumein e Landquart è francada sco mesira nr. 117 en il program d'aglomeraziun Cuira, approvà da la confederaziun e dal chantun, ed en il plan directiv regiunal dal Grischun dal nord. Uschenavant pledan interess impurtants per ina catramaziun. Il medem mument na poi betg vegnir snegà ch'ina catramaziun ha ina influenza considerabla sin l'aspect exteriur sco er sin l'intent da la via vertenta e ch'ella è pervia da quai senz'auter adattada da stgaffir effects essenzials novs per l'ambient. Ultra da quai sa chatta il territori en ina zona umida d'impurtanza regiunala e – tenor las actas – pudess la catramaziun chaschunar in effect da barriera per animals pitschens. Ord vista da questas differenzas tar ils interess para la soluziun ch'è vegnida prendida en la permissiun sco adattada, numnadaman da far ina stresa da basa stabilisada

⁹ Cf. en quest connex la cifra marg. 51 qua survart.

¹⁰ Jau part dal fatg che la via da velos è vegnida construida legalmain da sias uras; l'utilisabladad confirma a l'intent da la via da velos è notorica.


¹¹ Cf. cifras marg. 88 ss. da l'expertisa giuridica; la dumonda da la dependenza dal lieu na sa tschenta uschia betg.

cun cement empè d'ina cuvrida da catram. Quai oravant tut er sut l'aspect ch'il traject che sto vegrir catramà è relativamain lung.

2.3. EOZ nr. 2016-0596 (citad da Cuira): restructuraziun da la via da velos per lung dal Rain e construcziun d'ina nova punt sur il Rain (catramaziun)

Il cas

- 55 L'object da la dumonda da construcziun è la punt da velos e da peduns per la colliaziun tranter Cuira e Haldenstein sin autezza da la Scalettastrasse. La punt da velos e da peduns per il traffic betg motorisà è ina part integrala dal plan general d'avertura (PGA) da Cuira; en il PGA da la vischnanca da Haldenstein è vegrida definida la situaziun da la colliaziun nova en la prolungaziun da la Scalettastrasse ed a la fin da la via sin la vart da Haldenstein e surigliada en il plan directiv chantunal. Sin la vart da Haldenstein maina la colliaziun per lung dal Rain sin ina via champestra existenta si en il vitg.



Giudicament

- 56 L'admissibladad da la punt da velos e da peduns è incontestada; differenzas hai mo dà areguard la via d'access da la vart da Haldenstein a partir dal profil 1513.61 (en direcziun da Haldenstein). Quest traject sa chatta entaifer il spazi d'auas fixà provisoricamain. Cler èsi che la via da velos è in implant en il senn da l'art. 41c a. 1 OPAuas.¹² En il cas qua avant maun sto mo vegrir controllada la dumonda da la dependenza dal lieu. Sco già explitgà en l'expertisa (cifras marg. 56 ss.) na sto – per affirmar la dependenza positiva dal lieu – tenor la pratica dal tribunal federal in lieu, che sa chatta en la zona da construcziun resp. qua ordaifer il spazi d'auas, betg esser excludì absolutamain. I basta la dependenza dal lieu relativa, sche motivs impurtants laschan apparair in lieu entaifer il spazi d'auas sco considerablamain pli avantageus envers auters lieus


¹² Cf. cifra marg. 51.

ordaifer il spazi d'auas (cf. tar tut questa problematica DTF 141 II 245 consideraziun 7.6.1). Quai po vegnir affirmà en il cas qua avant maun. Tenor il stadi da las actas na datti nagins interess impurtants da la protecziun da la natira e da la cuntrada che pledassan cunter ina via da velos en il spazi d'auas. En spezial na sa chatta il territori betg en in inventari u giauda autramain ina protecziun speziala. Er las finamiras da protecziun tenor l'art. 36a al. 1 LPAuas na vegnan betg tangadas. Da l'autra vart pon vegnir scuvrids facturs tecnics, da la gestiun e da l'economia da manaschi che pledan cleramain per il trassé tschernì. La colliaziun da velo exista gia - almain sco senda. Ella è la cuntuaziun da la colliaziun ch'exista gia dal vitg da Haldenstein en direcziun Ausserfeld / Pardisla, sa collia cun la rait existenta e po vegnir realisada senza gronds custs e senza blera lavur. Sut questas circumstanzas èsi en mintga cas giustifitgà da partir d'ina dependenza dal lieu relativa.

2.4. EOZ nr. 2016-0941 (vischnanca da Zizers): demoliziun e reconstrucziun da la punt da velos cun la spustar per ca. 20 m (catramaziun)

Il cas

⁵⁷ L'object da la dumonda da construcziun è il remplazzament da la punt da velos existenta che maina sur la "Chessirüfe" a Zizers. La punt da lain existenta duai vegnir remplazzada tras ina punt d'atschal. Il medem mument duai il trassé vegnir adattà a las novas pretensiuns da segirezza. La via da velos che maina sur la punt è part integrala da la ruta da velos naziunala. Contestada è la catramaziun dal vial, perquai che l'object sa chatta en il sectur da las "zonas umidas dal Rain da Zizers fin Mastrils" d'impurtanza regiunala.



Giudicament

- 58 La via da velos represchenta in "implant" en il senn da l'art. 41c al. 1 OPAuas. Ultra da quai existan gia la via da velos sco er la punt da velo, uschia ch'i vegnan applitgadas las reglas da la garanzia d'existenza extendida.¹³
- 59 En quai che reguarda las dumondas dal caracter da l'implant, da l'interess public e da la dependenza dal lieu poi veginr renvià a las explicaziuns tar ils cas precedents. A mes avis èn questis criteris incontestads e dads cleramain. Il tema da discussiun è unicamain la dumonda da la catramaziun. Tenor l'agid d'execuziun tar il traffic betg motorisà nr. 5 (manual per la planisaziun da rutas da velo) da l'uffizi federal da vias (UVIAS) duain rutas da velo, en spezial per il traffic quotidian, avair – sco finamira – ina stresa da cuvrida da catram u da betun uschè platta ed uschè fina sco pussaivel.¹⁴ Uschenavant che trajects cun cuvridas natiralas vegnan integrads en la ruta (p.ex. per traversar in territori protegi), recumonda il manual da far stim da la buna qualitat da la cuvrida definitiva sco er d'observar ina regulaziun da mantegniment efficazia.¹⁵ Il cuntegn da quest agid d'execuziun è da chapir sco recumandaziun che sto però veginr integrada ed examinada en la ponderaziun dals interess da mintga singul cas.
- 60 En il cas qua avant maun sa tracti d'ina via da velos existenta, per la quala valan pia ils princips da la garanzia d'existenza extendida.¹⁶ La midada d'ina cuvrida sto – sco noziun – veginr qualifitgada sco renovaziun resp. sco midada parziale en il senn da l'art. 24c LPT. Sia admissibladad vegin giuditgada a maun da la dumonda, sche l'identidad da l'implant inclusiv ses conturns vegin mantegnida en moda essenziala. En quest connex èn resalvads en mintga cas ils giavischs impurtants da la planisaziun dal territori (art. 24 al. 5 LPT).
- 61 Tenor il stadi da las actas sa restrenscha la catramaziun previsa sin la punt e sin in sectur parzial avant resp. suenter la punt. Cunter la catramaziun da la punt n'en – bain or da motivs da la tecnica da construcziun – veginidas fatgas naginas objecziuns. La catramaziun da dus secturs parzials relativamain pitschens avant e suenter la punt na chaschuna betg ch'il caracter da l'implant vegnia midà en quai che concerna la dimensiun, l'aspect exterieur sco er l'intent. I na sto er betg veginr fatg quint cun consequenzas essenzialmain novas per l'urden d'utilisaziun, per l'avertura u per l'ambient. Tenor la

¹³ Cf. cifra marg. 87 da l'expertisa giuridica.

¹⁴ Agid d'execuziun tar il traffic betg motorisà nr. 5, consultabel sut:

<https://www.gr.ch/DE/institutionen/verwaltung/bvfd/tba/fly/dokumentation/hbly/Seiten/default.aspx>, p. 28.

¹⁵ Agid d'execuziun tar il traffic betg motorisà nr. 5, p. 29.

¹⁶ Cf. cifras marg. 89 ss. da l'expertisa giuridica.

constataziun dal post chantunal spezialisà cumpetent "na disturbà la catramaziun da questa pitschna part da la via strusch la zona umida". Uschenavant na pledan er nagins giavischs impurtants da la planisaziun dal territori (inclusiv protecziun da la natira e da la cuntrada) cunter la catramaziun previsa. Ord vista da questas explicaziuns è la catramaziun giavischada per il sectur previs pia admissibla. In'altra decisiun stuess vegnir prendida, sche la catramaziun pertutgass in traject essenzial pli lung e chaschunass uschia in disturbi da la zona umida che stuess vegnir prendì serius. En quest cas stuessan ils interess da la planisaziun dal territori bain vegnir taxads pli ferm.

Conclusiuns tar la tematica da las vias da velos e da velos da muntogna

- ⁶² Schebain che las vias da velos e da velos da muntogna na vegnan betg menziunadas explicitamain en l'art. 41c al. 1 OPAuas, èn ellas "implants che sa chattan en l'interess public" tenor questa disposiziun. La definiziun da l'implant tenor l'art. 41c al. 1 OPAuas è exemplarica, ma l'enumeraziun n'è betg definitiva; vias da velos e da velos da muntogna servan per gronda part al medem intent sco las sendas da viandar che vegnan numnadas explicitamain, numnadaman a la realisaziun dal traffic betg motorisà. Pervia da quai han las vias da velos e da velos da muntogna il medem status giuridic en quai che reguarda la definiziun da l'implant.
- ⁶³ Cun examinar la dependenza dal lieu sto la dependenza dal lieu relativa vegnir prendida sco basa. Quai vul dir ch'i ston la finala esser avant maun motivs spezialmain impurtants ed objectivs, che laschan parair il lieu giavischà resp. il trassé tschernì en il spazi d'auas sco bler pli avantagius ch'in tal ordaifer il spazi d'auas. Quai sto vegnir giuditgà en il rom d'ina consideraziun dals interess sin basa da motivs objectivs (caracter e structura dal terren, via ch'è già avant maun e.u.v.). Pli impurtants ch'ils interess da la protecziun da l'ambient (lescha federala davart la protecziun da la natira e da la patria [LPNP]/protecziun da la cuntrada e.u.v.) èn en il cas concret e main che la dependenza dal lieu en il spazi d'auas sa lascha giustifitgar cun motivs tecnics, da la gestiun e da l'economia da manaschi. Cas cuntrari èn quests facturs numnads sco ultims pli impurtants, uschenavant ch'ina via da velos e da velos da muntogna na tanghescha nagins (u tanghescha mo minimalmain) aspects ecologics u da la cuntrada.
- ⁶⁴ Per vias da velos e da velos da muntogna existentes valan ils princips da la garanzia d'existenza extendida. Uschenavant ch'ina midada da la cuvrira en il

senn d'ina catramaziun sto veginr examinada, vegin sia admissibladad giuditgada a maun da la dumonda, sche l'identitad da l'implant inclusiv ses conturns vegin mantegnida en moda essenziala. En quest connex èn resalvads en mintga cas ils giavischs impurtants da la planisazion dal territori. Pli pitschens ch'ils interess da la protecziun da la natira e da la cuntrada èn e plitost ch'il giavisch da catramar vias da velos sa lascha giustifitgar. En quest connex ston er veginr resguardads ils interess dal traffic betg motorisà; pli gronds che quels interess èn (interess naziunal u regjunal) e plitgunsch ch'ina catramaziun da las vias da velos sa giustifitgescha. Er l'existenza d'ina zona umida n'excluda betg categoricamain ina catramaziun, uschenavant che l'intervenziun è minima e pertutga mo in traject curt. Savens laschan talas intervenziuns er sa relativar cun cundiziuns raschunaivlas.

2.5. EOZ nr. 2013-0166 (vischnanca da Scuol): Remisa / stalla da muvel manidel (demolizion e reconstrucziun)

Il cas

- ⁶⁵ L'object da la dumonda da construcziun èn stadas la demolizion e la reconstrucziun d'ina remisa / stalla da muvel manidel en la vischnanca da Scuol. L'edifizi sa chatta en il spazi d'auas tenor las disposiziuns transitoricas. Per il project da construcziun ha il UST concedì la permissiun EOZ cun cundiziuns (che n'han però betg pertutgà il spazi d'auas).


Giudicament

- ⁶⁶ Per l'edifizi existent valeva la garanzia d'existenza extendida tenor las reglas da l'art. 24c LPT (cf. cifras marg. 86 ss. da l'expertisa giuridica). L'identidad da l'edifizi compensatoric è vegnida affirmada cun dretg. Ils interess publics da la protecziun cunter aua gronda u da la funcziun ecologica da las auas na vegnan betg tangads da l'edifizi compensatoric, perquai na s'opponiva nagut a la concessiun da la permissiun.

2.6. EOZ nr. 2015-0579 (vischnanca da Tavau): engrondiment da garaschas en il sectur d'ina aua channelisada

Il cas

- ⁶⁷ L'object da la dumonda da construcziun furma in'annexa vi d'ina garascha en la zona d'agricultura (engrondir ina garascha dubla cun in'ulteriura garascha). L'annexa cunfinescha directamain cun in aul channelisà. Il UST ha concedì la disposiziun EOZ sa basond sin l'art. 24c LPT en cumbinaziun cun ils art. 42 e 43a OPT.



Giudicament

- ⁶⁸ En cas d'auas channelisadas poi tenor l'art. 41a al. 5 lit. b OPAuas vegnir renunzià da determinar in spazi d'auas, uschenavant che nagsins interess predominants na s'opponan a quai. Per regla succeda la renunzia en il rom da la planisaziun d'utilisazion communal (cf. cifra marg. 44 da l'expertisa giuridica). Uschè ditg ch'il spazi d'auas n'è anc betg determinà, valan da princip las prescripziuns tenor las disposiziuns transitoricas. Ina permissiun excepziunala per l'annexa da la garascha na vegn en il cas qua avant maun betg en dumonda, perquai ch'i n'è avant maun nagin fatg legal excepziunal tenor l'art. 41c al. 1 OPAuas.

- ⁶⁹ I na fa dentant nagin senn d'applitgar – en cas d'in aual chanalisà – las disposiziuns transitoricas en il rom d'ina dumonda da construcziun, sch'i pudess gia veginr giuditgà e decidì cun tractar la dumonda da renunziar a la determinaziun d'in spazi d'auas en il sectur d'in aual chanalisà. Fin a la determinaziun definitiva dal spazi d'auas èsi da recumandar en il sectur d'auas chanalisadas (e dals auters fatgs da l'art. 41a al. 5 OPAuas) da decider en il rom da l'examinaziun da las dumondas concretas, sch'i po veginr renunzià da determinar il spazi d'auas. En quest connex stoi veginr examinà l'emprim, sch'ina revitalisaziun da las auas tenor l'art. 38a LPAuas sto veginr ordinada.¹⁷ Sch'i po veginr renunzià ad ina revitalisaziun suenter ch'ils puntgs da vista essenzials èn vegnids examinads, sa tracti mo da decider, sche interess predominants pledan cunter ina renunzia da determinar il spazi d'auas per l'aua chanalizada (er en il cas singul). Quests interess predominants èn quels che ston er veginr resguardads en il rom da l'art. 41c al. 1 (permissiun excepziunala). Per evitar decisiuns cuntradictorias e per garantir la coordinaziun sto la vischnanca da staziunament veginr consultada en mintga cas tar quest proceder; la renunzia da determinar il spazi d'auas è atgnamain chaussa da la vischnanca ch'ella decida en il rom da la planisaziun d'utilisaziun communalia.
- ⁷⁰ Quest proceder pragmatic pudess veginr giustifitgà anc pli ferm, perquai ch'il dumber da cas d'edifizis vi d'auals chanalisads dastgass esser relativamain pitschen e perquai ch'ils giavischs, che vegnan persequitads cun l'art. 36a LPAuas, èn d'ina natira plitost subordinada. Sch'i vegn decidì en il cas singul ch'i possia veginr renunzià da determinar in spazi d'auas, na sto il spazi d'auas betg pli veginr considerà vinavant en il rom da l'ulterieur tractament da la dumonda. Natiralmaint è l'autoritatd obligada en il rom da la prescripziun "facultativa" d'exequir ses appreziar confurm a l'obligaziun tenor ils princips generals dal dretg administrativ. La permissiun en il cas concret è uschia veginida concedida en ina moda ch'è confurma cun la lescha.

¹⁷ FRITZSCHE, commentari tar la LPAuas, art. 38a, cifras marg. 10 ss.

2.7. EOZ nr. 2014-1128 (vischnanca da Lostallo): novs conducts d'aua, d'aua persa e d'electricitat entaifer il spazi d'auas

Il cas

- ⁷¹ L'object da la dumonda da construcziun èn stads stabiliments d'avertura (conducts d'aua, d'aua persa e d'electricitat) per lung da la Moesa en la vischnanca da Lostallo. L'installaziun da queste novs conducts d'ovra ha servì ad avrir la zona d'industria "Camp di Polac" (per la Swiss Alpine Fish SA). Tenor la dumonda da construcziun eri previs da tschentar ils conducts d'ovra en il spazi d'auas provisoric tenor las disposiziuns transitoricas.



- ⁷² Bain è l'interess public vi da l'avertura da la zona d'industria vegnì renconuschì, la dependenza dal lieu n'è però betg vegnida resguardada sco cumprovada. En spezial ha stuì vegnir mussà ultra da quai, pertge che l'avertura (aua ed electricitad) da la zona d'industria na possia betg vegnir fatga sur il conduct d'aua existent sco er sur la rait d'electricitad existenta. La permissiun è vegnida concedida cun la cundizion ch'ils conducts stoppien vegnir tschentads en l'ur da la scarpa che na guarda betg vers il flum.

Giudicament

- ⁷³ Cun il rapport dals 26 da decembre 2015 ha il patrun da construcziun furnì la cumprova ch'ils conducts ch'existan gia (aua ed electricitad) n'en betg adattads per l'avertura dal nov territori industrial. Sin quest aspect na stoi pia betg pli veginir entrà pli detagliadament cun examinar la dependenza dal lieu.
- ⁷⁴ Per il cas che las infrastructuras correspondentes na pudessan betg veginir messas a disposiziun da la vischnanca en moda raschunaivla, ston conducts d'infrastructura (conducts d'aua/d'aua persa/d'electricitad) en ils spazis d'aua veginir resguardads en general sco liads al lieu. La dependenza dal lieu vegin motivada en questi cas per regla cun motivs tecnics resp. cun motivs da l'economia da manaschi. En il cas qua avant maun han ils basegns actuals mussà ch'i n'en betg stà pussaivel – uschenavant che quai è percorschibel – da realisar l'avertura dal territori industrial en autra moda, er betg sur ils conducts d'ovra ch'existan gia. Uschenavant sa demussa la construcziun dals conducts d'ovra per lung d'ina aua en il spazi d'auas sco en general liada relativamain ferm al lieu. I sto veginir examinà mintgamai, sch'inquals interess publics s'opponan ad ina tala dependenza dal lieu generala. I na po betg veginir snegà che gist en il cas qua avant maun eventualas mesiras da revitalisaziun en il sectur da la scarpa dal rempar pudessan veginir pregiuditgadas, quai ch'è veginì resguardà en il rom da la ponderaziun dals interess. En il cas qua avant maun han ins stuì partir d'ina infrastructura ch'exista gia en il rempar existent. En quest connex è la lunghezza dal traject stada relativamain pitschna ed igl è veginì ordinà ch'ils conducts novs stoppian veginir tschentads en la vart che na guarda betg vers l'aua. La permissiun sa demussa pia uschia senz'auter sco adequata e confirma a la lescha.



Dr. iur. Gieri Caviezel



Lic. iur. Michelangelo Giovannini